

Eallinfápmo- ja teknihkalaš lávdegoddi**Áigi** 09.02.2023 dmu 15:00**Báiki** Hybridačoahkkin, Teams-heivehus/ gielddaráđđehusa čoahkkinlatnja**Čoahkkináššit**

Ášši	Bajilčála	Siidu
1	Čoahkkima lágalašvuohta ja mearridanváldi	3
2	Beavdegirjedárkkisteaddjiid válljen	4
3	Čoahkkima bargoortnega dohkkeheapmi	5
4	Eallinfápmo- ja teknihkalaš lávdegotti beavdegirjedoalli válljen ja čoahkkimiid albmosii bidjan jagis 2023	6
5	Eallinfápmo- ja teknihkalaš lávdegotti vuloš boađusovttadagaid mearreruhtajuohku, rehkegiid vuostávdin ja dohkkeheaddjiid nannen	7
6	Teknihkalaš doaimma doaibmačilgehus ja bušeahta ollašuvvan jagis 2022	8
7	Ohcejoga báhčinbánaprojeakta	10
8	Gielddainšenevrra virggi vuodđudeapmi	11
9	Čilgehus eanasaji 890-401-39-20 geavaheamis	13
10	Juhunjarga gáddesajádatlávva	14
11	Luopmosadjásašbálvalusaid ordnen jahkái 2023	15
12	Turismarávvema ordnen jagis 2023	16
13	Ohcejoga Master Plan -projeavtta ohcan	17
14	Giddodatbargojoavkku evttohus boares skuvlagiddodagaid geavaheamis	19
15	Eanaviidodagaid lonuheapmi	22
16	Ohcejoga luossaguovddáščielggadusa álggaheapmi	24
17	Áššit diehtun	27
18	Eallinfápmo- ja teknihkalaš lávdegotti giđa 2023 čoahkkináiggit	28

Beavdegirji dollojuvvo albmosis 14.02.2023

Dát čoahkkinbovdehus lea biddjon almmolaš gulahusaid almmuhantávvalii 03.02.2023

Sammol Lukkari
ságadoalli

Oasseváldit

			Lassedieđut	
Mielde	Namma Lukkari Sammol Jaatinen Eeva Tapiola Uula Guttorm Urho Konttinen Pirjo Manninen Terttu Hekkanen Eemeli Aikio Mika Ahlakorpi Anni Valle Petteri Wargh Kirsi-Marja Länsman Arvi Halonen Markku Rautajoki Mervi Koskenniemi Mika Kinnunen Mirjami Rasmussen Riikka Länsman Nilla-Pekka	Bargu Ságadoalli Várreságadoalli Lahttu Lahttu Lahttu Lahttu Lahttu Lahttu Lahttu Lahttu Várrelahttu Várrelahttu Várrelahttu Várrelahttu Várrelahttu Várrelahttu Várrelahttu Várrelahttu Várrelahttu		
Eará	Guttorm Väinö Pieski Taina Lepistö Tanja Porsanger Markku Länsman Raimo Savolainen Mirja Aikio Leena	Gielddaráđđehusa sd Teknikkalaš doaibmasuorggi doaibmasuorgehoavda, áššemeannudeaddji Eallinfápmohoavda, áššemeannudeaddji Huksendárkkisteaddji, áššemeannudeaddji Beavdegirjedoalli Giddodatinšenevra Tulka		

1
Čoahkkima lágalašvuohta ja mearridanváldi

Ealtekig

Evttohus:

Gávnnavuvvo, ahte čoahkin lea lágalaččat čoahkkái bovdjuvvon ja mearridanválddalaš.

Mearrádus:

2

Beavdegirjedárkkisteaddjiid válljen

Ealtekig

Evttohus:

Válljet čoahkkimii guokte beavdegirjedárkkisteaddji.

Mearrádus:

Eallinfápmo- ja teknihkalaš
lávdegoddi

09.02.2023

3
Čoahkkima bargoortnega dohkkeheapmi

Ealtekig

Evttohus:

Lávdegoddi dohkkeha áššiid gieđahallanortnega evttohuslisttu
mielde.

Mearrádus:

4

Eallinfápmo- ja teknihkalaš lávdegotti beavdegirjedoalli välljen ja čoahkkimiid albmosii bidjan jagis 2023

Ealteklg

Eanageavahan- ja huksenlága vuođul addinláhka mearrádušat (MRL 142 § ja 198 §) addojuvvojit albmosii bidjama maŋŋá. Mearrádusa birra almmuhuvvo ovdal dan addinbeaivve gieldda almmuhantávvalis. Almmuhusa galgá doallat oaidninláhka uhcimustá njulgengáibádusa dahje váidaga dahkamii várrejuvvon áigge.

Doaimasuorgehoavdda evttohus:

Eallinfápmo- ja teknihkalaš lávdegotti beavdegirjedoallin doaima ealáhusčáli dahje teknihkalaš doaima kanslistu ja beavdegirji geahččaluvvo dárkkistit dalán čoahkkima maŋŋá. Dárkkistuvvon beavdegirji dollojuvvo oaidninláhka maŋimuštá čoahkkima čuovvu vahku maŋnebárgga.

Albmosii bidjama maŋŋá addinláhka mearrádušain almmuhuvvo ovdal dan addinbeaivve Ohcejoga gieldda almmuhantávvalis.

Mearráduš:

Eallinfápmo- ja teknikkalaš
lávdegoddi

09.02.2023

5

Eallinfápmo- ja teknikkalaš lávdegotti vuloš boađusovttadagaid mearreruhtajuohku, rehkegiid vuostáváldin ja dohkkeheaddjiid nannen

6/02.00.00/2023

Ealtekig

Hálddahusnjuolggadusa 64 § mielde lávdegottit dohkkehit bušehtii vuođđuduvvi geavahanplánaset.

Geavahanplánas doaibmaorgána juohká boađussurggiid mearreruđa ja boahtoárvoštallama boađusovttadagaide.

Doaibmaorgána nanne maid boađusovttadagaid geavahanplánaid.

Doaibmaorgána meroštallá diŋgonvuoigatvuođa rájaid bušeahta olis. Duhtosiid ja rehkegiid dohkkeha boađussuorggi dahje boađusovttadaga vástuolmmoš dahje doaibmaorgána sierra mearridan olmmoš.

Čoahkkimis lea oaidninláhkai eallinfápmo- ja teknikkalaš lávdegotti vuloš doaimmaid mearreruđajuohku bušeahta mielásaččat.

Evttohus:

Lávdegoddi nanne eallinfápmo- ja teknikkalaš lávdegotti vuloš doaimmaid mearreruhtajuogu sihke nammada mearreruhtačuovvuma vástuolbmuid sihke rehkegiid vuostáváldiid ja dohkkeheaddjiid.

Mearrádus:

Eallinfápmo- ja teknikkalaš
lávdegoddi

09.02.2023

6

Teknikkalaš doaimma doaibmačilgehus ja bušeahta ollašuvvan jagis 2022

8/02.02.01/2023

Ealteklg

Lassemateriálan teknikkalaš doaimma doaibmačilgehus ja bušeahta ollašuvvan jagis 2022.

Doaibmasuorgehoavdda evttohus:

Lávdegoddi merke diehtun teknikkalaš doaimma jagi 2022 bušeahta ollašuvvama ja dohkkeha doaibmačilgehusa jagis 2022 ja evttoha dan ain gielddaráđđehussii dohkkehanláhkai.

Mearrádus:

7

Ohcejoga báhčínbánaprojektta

7/10.03.01/2023

Ealteklg

Eränkävijät ja Reserviläisyhdistys leat ohcan ođđa báhčínbána báikki vulobeale kártaváldosii merkejuvvon guovllus Áilegasa-duoddara davábeale vielttis. Guovlu lea Áilegasa geaidnoguoras boazoáiddi ja Deanu gaskkas. Daningo guovlu lea bodnečáhceguovlu, ohccojuvvo guovlu givvir- ja bistovlabánai.

Meahcceráđdehus bivdá Ohcejoga gieldda oainnu báhčínbánaprojektii.



Doaimmasuorgehoavdda evttohus:

Ohcejoga gielda guottiha eanaviidodaga láigoheami dán projektii.

Mearrádus:

Eallinfápmo- ja teknihkalaš
lávdegoddi

09.02.2023

8

Gielddainšenevrra virggi vuodđudeapmi

180/01.01.03/2013

Ealtekig

Teknikkalaš doaibmasuorgái lea vuodđuduvvon lávdegotti mearrádusain 18.1.2022 giddodatinšenevrra doaibma, mii lea doaisttázii fámus. Teknikkalaš lávdegoddi lea válljen doibmii almmolaš ohcanmeannudeami bokte diplomainšenevra Mirja Savolainen 24.5.2022.

Giddodatinšenevra doaibmá giddodatfuolahusa ja čorgejeddjiid hoavdan, doallá ortnegis ja ovddida gieldda giddodatopmodaga. Bargui gullet jođihit ja gilvalahttit bajásdoalu ja ortnegisdoallama projeavttaid plánema sihke bearráigeahččo- ja huksehanbarggut.

Giddodatinšenevrra bargguide gullá maid Ohcejoga gieldda oamastan giddodatoasussearvi Ringinvatro hovden ja fitnodatjođiheaddjin doaibman. Fitnodagain lea sohppojuvvon soahpamušain, ahte fitnodatjođiheaddji bargguide geavahuvvo 25% bargoáiggis.

Lassin teknihkalaš doaibmasuorgehoavdda jođiheami vuolde lea sohpon, ahte giddodatinšenevra vástida lávvaáššiin ovtas huksendárkkisteaddjiin. Giddodatinšenevrra bargguide gullá maid daid áššiid válmmaštallan, mat gusket jođáhagaid, geahppa johtolaga ja almmolaš olgodaddanguovlluid.

Teknikkalaš doaimma bargguid oassálas ođđasit ordnedemiid geažil maid giddodatinšenevrra doaibmagova lea dárbu ođasmahttit čuovvovaččat:

1. Bargonamahusa rievdadeapmi gielddainšenevrran. Láhka giddodatinšenevrra bargguin meroštallá gielddas doaibmi giddodatinšenevrra láhkageatnegahtton bargguid, mat laktásit stuorrát eanamihtideapmái ja eará bargguide, mat eai gula Ohcejoga giddodatinšenevrra bargguide. Bargonamahusa lea buorre rievdadit, amaset šaddat boastoáddejumit. Mánnggain eará gielddain Ohcejoga giddodatinšenevrra ovddasvástádusa vuollái gullelaš bargguin vástida gieldda/gávpotinšenevra.
2. Doaimma rievdadeapmi virgin. Giddodatinšenevra geavaha barggustis maid almmolaš eiseváldedoaimbaválldi, man sáhtta lága mielde geavahit dušše virggis doaibmi olmmoš. Teknikkalaš doaimma áššiid válmmaštallan ja ovdanbuktin eallinfápmo- ja teknihkalaš lávdegottis gáibida, ahte giddodatinšenevra lea virggis. Seammás giddodatinšenevrii boahtá ekonomalaš ovddasvástádus ja namačállinvuoigatvuohta gieldda giddodatáššiin (omd. gieldda giddodagaid šleađga- ja

čáhcerhekegat, smávva giddodatháhkamat). Lassin gielddas hovdenbargguin doibmet dušše virgeolbmot. Nuppástusas eai leat váikkuhusat bálkái.

3. Giddodatinšenevra sirdojuvvo gielddainšenevrra virgái dalán go váldostivra lea virggi vuodđudeamis mearridan. Sirdimii lea olbmo iežas miehtan. Giddodatinšenevrra doaimma heaittihuvvo.

Válmmaštalli ja áššemeannudeaddji gielddahoavda, teknikalaš doaimmasuorggi doaimmasuorgehoavda Taina Pieski

Doaimmasuorgehoavda evttohus:

Giddodatinšenevrra bargonamahus rievdaduvvo virggi vuodđudeami oktavuodas gielddainšenevrran. Giddodatinšenevra sirdojuvvo gielddainšenevrra virgái dalán go váldostivra lea virggi vuodđudeamis mearridan.

Eallinfápmo- ja teknikalaš lávdegoddi heaittiha dán maŋŋá giddodatinšenevrra doaimma.

Mearrádus:

Eallinfápmo- ja teknihkalaš
lávdegoddi

09.02.2023

9

Čilgehus eanasaji 890-401-39-20 geavaheamis

5/10.03.00/2023

Ealteklg

Ohcejoga gieldda huksenbearráigehčču lea bohtán 18.11.2022 Geavu guovllu eanaeaiggádis doaibmabidjobivdda čielggadit eanasaji 890-401-39-20 viesuid geavaheami, eanasaji viesuid geavahanulbmila ja nannejuvvon oppalašláva mearrádusaid ektui.

Huksenbearráigehču eiseváldi galgá álggahit doaibmabijuid, go huksenlobi vuostásaš geavaheapmi lea bohtán eiseválddi dihtui. Viesu dahje dan oasi geavahanulbmila čielga rievdadeapmi gáibida álo huksenlobi.

Ášši guorahaladettiin galgá dáhpáhusa mielde árvvoštallat dan, vástiditgo báikki geavaheami mihtilmas váikkuhusat mieđihuvvon huksenlobi. Seamma árvvoštallan guđege dáhpáhusa mielde heivehuvvo maid váikkuhusaide fámus orru oppalašláva lávvamerkema mieldásaš geavahanulbmilis.

Bákkuhanvuohkin áššis sáhtta gávnnaht, ahte eanaeaiggáda ii sáhte geatnegahttit ohcat spiehkasteami oppalašlávás ja ohcat huksenlobi geavahanulbmilis, duššefal viesu geavaheami giieldima huksenlobi vuostásaččat.

Huksendárkkisteaddji evttohus:

Eanaeaiggádiin bohtán čielggadusa vuodul sáhtta gávnnaht, ahte luopmoássanviesu (mii lea eanasajis) geavaheapmi vástida eanasaji lávvamerkema RA-1 mieldásaš geavaheami.

Luopmoássanviessu lea láigohuvvon hui uhcán ja geavahuvvon lobi mielde, iige doaibmabidjobivdda mielddisbuvtte gáibádusa viesu geavahanulbmila nuppástussii.

Mearrádus:

Eallinfápmo- ja teknikalaš
lávdegoddi

09.02.2023

10

Juhunjarga gáddesajádatlávva

12/10.02.03/2023

Ealteklg

Priváhta eanaeaiggát Juhani Eiramo lea lahkonan gieldda, ahte gielda bijašii johtui gáddesajádatlávva Juhunjarga 890-401-35-16 nammasaš eanasadjái. Gáddesajádatlávva lea oaivil ráhkadit nu mo eanageavahan- ja huksenlága 74 §:s meroštallo, nappo eanaeaiggát fuolaha gáddesajádatlávvaevttohusa gárvvisteamis. Lávvabarggu dahkkin eanaeaiggát lea dingon Seitap Oy eanamihdiantekniikkára Tapani Honkanen.

Tapani Honkanen lea gárvvistan báikkis oassálastin- ja árvvoštallanplána (OAS), mii lea lassemateriálan.

Doaibmasuorgehoavdda evttohus:

Eallinfápmo- ja teknikalaš lávdegoddi evttoha gielddaráđđehussii, ahte eanasaji Juhunjarga 890-401-35-16 gáddesajádatlávva biddjojuvvo johtui ja seammás dahkkon OAS biddjojuvvo oaidninláhkai.

Lávvabarggu dahkkin dohkkehuvvo Seitap Oy.

Mearrádus:

11

Luopmosadjásašbálvalusaid ordnen jahkái 2023

28/14.03.01/2014

Ealteklg

Ordnejuvvojit vuosttas sajis sadjásašveahkke- ja jahkeluopmosadjásašvuodát, mávssuvuloš luopmosadjásašveahkki ordnejuvvo vejolašvuodaid mielde.

Fitnodatdoallit, geat leat ordnejuvvon luopmosadjásašvuogádagas, sáhttet geavahit mávssuvuloš luopmosadjásašveahki.

Luopmosadjásažžan sáhtá doaibmat olmmoš, gii lea luopmosadjásašbálvalusaid buvttadeaddji fitnodaga dahje servoša bálvalusas, dahje iehčanas ámmáthárjeheaddji. Olmmoš, geas lea bargogaskavuohta eanadoallofitnodatolbmui, ii sáhte doaibmat mávssuvuloš luopmosadjásašveahki luopmosadjásažžan.

Dorjojuvvon mávssuvuloš luopmosadjásašveahki diibmohaddi jagis 2023 lea 15,60 €/luopmosadjásašdiibmu.

Válmmaštalai: ealáhusčáli

Eallinfápmohoavdda evttohus:

Ohcejoga gielda várre 1500 euro mearreruđa mávssuvuloš luopmosadjásašveahki doarjumii. Doarjja gehččo sierra guđege fitnodatdoalli buohta. Gielda oassálastá goluide 50 % /luopmosadjásašdiibmu (dorjojuvvon mávssuvuloš luopmosadjásašveahkki) nu guhká go mearreruhta lea geavaheamis. Luopmosadjásašbálvalusaid dikšu Pohjois-Suomen lomituspalvelut. Doarjaga galgá ohcat 6 mb siste ollašuvvan luopmosadjásašvuodas.

Mearrádus:

Eallinfápmo- ja teknikalaš
lávdegoddi

09.02.2023

12

Turismarávvena ordnen jagis 2023

27/14.02.00/2014

Ealteklg

Gáregasnjárgga geasseáigge turismarávven lea jagis 2022 ordnejuvvon gilidállu Sáivvus ovttas Gáregasnjárgga giliseruviin.

Njuorggámis ii leat turismarávven, muhto turismabrošyrasaji lea jagis 2022 doallan Ikäsähly ry. Ikäsähly lea maid fuolahan EU davimus báikki galledansajis ja dan guossegirjjis.

Ohcejoga girkosiidda birrajagi turismarávven lea jagis 2022 ordnejuvvon gilidállu Giissás oastobálvalussan Ohcejohnjálmmi gilisearvvis.

Eallinfápmohoavdda evttohus:

Gáregasnjárgga geasseáigge turismarávven ordnejuvvo seammaláhkai go ovddit jagi, nappo juolluduvvo doarjja Gáregasnjárgga gilisearvái.

Njuorggáma bálvalusaid bajásdoallu ordnejuvvo nu, ahte juolluduvvo doarjja Ikäsähly ry:i.

Doarjagiid oažžuma eaktun lea, ahte bušeahta ollašuttinrávvagiin meroštallon áššebáhpárat doaimmahuvvojit gildii.

Ohcejoga girkosiidda birrajagi turismarávven ordnejuvvo oastobálvalussan Ohcejohnjálmmi gilisearvvis.

Doarjagiid sturrodat ja turismarávvena golut ráđđádallojit ođđasit guhtege doaibmiin sierra nu, ahte golut vástidit juovlamánus dohkkehuvvon bušeahta.

Mearrádus:

Eallinfápmo- ja tehnikkalaš
lávdegoddi

09.02.2023

13

Ohcejoga Master Plan -projeavtta ohcan

11/00.01.05/2023

Ealteklg

Ohcejoga gieldda ekonomalaš dilli lea duođaid váttis ja einnostusaid mielde bohtá joatkašuvvat dakkárin guhká. Vai gielda ceavzá, galgá dat bastit lasihit buot vearroboahtošlájaid: Dienasboahthovearu, giddodatvearu ja searvvušvearu. Ohcejoga ealáhusdoaimma lea árbevirolaččat vuođđuduvvan nana rádjegávpái, turismii ja boazoealáhussii. Turisma lea vuođđuduvvan erenomážit Deanu luossabivdui. Sihke rádjegávpái ja turisma leat gillán korona ja Deanu bivdogildosa dagahan ráhkadusnuppástusa váikkuhusain. Korona áigge oidnu maid viidásabbot Lappi boazodoalloguovllus turismma ja boazodoalu nana oktavuoha. Jagis 2019 dáhpáhuvvan turismma bissáneapmi geahpedii sakka bohccobiergu jođu.

Mii Ohcejogas leat jo guhká oaidnán, ahte bohttevuoda ealáhus lea suvdilis turisma. Mii leat ádden, ahte min luonddu ja sajádaga árvi lea turismii mearkkašahtti luossabivddu lassin. Dán kriisadilis gielddas lea dahkkon analysa ealáhusaid ovdáneami vejolašvuodain. Lea áddejuvvon, ahte positiivvalaš ekonomijaovdáneapmái dárbbášuvvojit gielddas aktiivvalaš doaimmabijut. Árvoštallamis nanosmuvai oaidnu, ahte turisma lea doaimmasuorgi, mas lea eanemus dakkár potentiála, mas oazžu oppalaš eallinfámu guvlui. Turismma ovdáneamis lea positiivvalaš váikkuhus buot gieldivearuhusa hámiide ja dat dárbbáša valjis bálvalusaid eará doaimmasurggiin, mat sáhttet ovdánit raddálagaid turismmain. Bálvalusfálaldaga lassin johtu bohtá maid ovdamearkka dihte ođđa viessobuvttadeapmái, mii fas vástidivččii guovllu viessodárbui. Go turisma ovdána, dat lasiha iešguđetlágan bálvalusaid fálaldaga maidái báikkálaš ássiide lasihemiin ná guovllu oppalaš geasuhusa ja eallinfámu. Guovllu eallinfámu lassáneami sáhtta einnostit ovddidit maid báikkis sorjjasmeahtun fitnodagaid sajáiduvvama guvlui. Turismmas leat maid vejolašvuodát ovdánit buot golmma gilis.

Ohcejogas leamašan manjimuš guovtti jagi áigge mánja projeavtta, mat laktásit fáhkkes ráhkadusnuppástussii. Daiguin lea geahččaluvvon ohcat vugiid ođđa ealáhusaid ovddideapmái. Sámi kulturárbbi nannen -projeakta nogai 31.12.2022 ja eará projeavttat nohket borgemánus-golggotmánus 2023. Dušše Teno Outdoor -sihkkelastinturismaprojeakta joatkašuvvá giđđadávái 2024. Maidái dán projeavttain dahkkon bargu lea nannen ádejumi turismmas bohttevuoda guovddáš ealáhussan Ohcejogas.

Turisma ii sáhte lassánit ja ovdánit dušše gieldda doaimmaiguin ja gieldda resurssaiguin. Dárbbášuvvo čanusjoavkkuid nana

oasálašvuohta ja čatnaseapmi ovttas sohppojuvvon ulbmiliidda sihke servoša sosiálalaš dohkkeheapmi. Ohcejoga turismma ovdáneami várás lea dárbu dihtui vuodđuduvvi turismma Master Planii, man gárvvisteapmái lea oassálaston viidát. Dákkár prográmmas guovddáš doaimmat leat ee.

- Dálá dili analysa ja boahttevuhthii guoski oainnut
- Turismma treanddaid reflekten ja benchmark-galledeamit

Ohcejoga turismma perspektiivvas

- Analysa Ohcejoga turismma potentiálas
- Turismma ovdáneami ulbmiliid meroštallan
- Guovlluideavaheami plánen
- Ohcejoga turismma doaibmabidjoprográmma čohkken
- Sierra doaibmiid gaskasaš oktasašbargomálla gárvvisteapmi
- Guovllu turismafitnodagaid buvttavoddideami doarjun.

Master Plan vehkiin Ohcejoga turismma ovdáneapmi vuodđuduvvá ovttas sohppojuvvon njuolggadusaide. Ovddideapmi gáibida gillilvuoda ja sierra ruhtadeaddjit oidnet guovllu dás ovddos beroštahti báikin. Projeakta bohtá oasiltis ollašuttit ođđa gieldestratégii ja eanapolitihkalaš prográmma. Projeavttas gárvvistuvvon Ohcejoga turismma Master plan buktojuvvo váldostivrii gieđahallanláhkai.

Lappi lihttu juolluda AKKE-ruhtadeami oanehisáigge ovddidan-, iskkadallan- ja čielggadanprojeavttaide, mainna ohcat ođđa čovdosiid dahje válmmaštallat stuorát ovddidanollisvuodaid. Ohcanláhkai submi sáhtta leat 80 000 euro ja das ohcci iešruhtadanoassi lea 20 proseantta. Čuovvovaš ohcan nohká 22.2. Submi dahká vejolažžan bajábealde govviduvvon barggu ollašuttima.

AKKE-ruhtademiin sáhtášii ohcat Ohcejoga turismma Master Plan -projeavtta, mii dahkkojuvvošii oastobálvalusháhkamiin. Projeakta bisttášii 1.6.2023- 31.5.2024.

Eallinfápmohoavdda evttohus:

Gielda ohcá Lappi lihtus 22.2. rádjai projeavtta Ohcejoga turismma Master Plan -projeavtta ollašuttimii. Projeavtta ollašuttináiigi 1.6.2023- 31.5.2024. Projeavtta ollesbušeahhta lea 80 000 euro ja dan iešruhtadanoassi lea 20 % dahjege 16 000 euro. Ohcamuša oktavuhtii dahkko projektaplána, mii doallá sisttis bajábealde máinnašuvvon temáid. Projeakta dahkkojuvvo oastobálvalussan, go fas eallinfápmu doaibmasuorgi vástida projeavtta hálddahaslaš bargguin ja projeavtta diehtujuohkimis.

Eallinfápmo- ja tehnikkalaš lávdegoddi evttoha gielddaráđđehussii ja ain váldostivrii lassemearruđa projeavtta iešruhtadeami gokčama várás 16 000 euro projeavtta kontui eallinfápmu bušehtii.

Mearrádus:

Gielddaráđdehus	§ 146	05.09.2022
Eallinfápmo- ja teknikkalaš lávdegoddi		09.02.2023

14

Giddodatbargojoavkku evttohus boares skuvlagiddodagaid geavaheamis

51/00.02.01/2022

Gr 05.09.2022 § 146

Ohcejoga gielddas ođđa skuvladoaibmadáluid mielde buot giliguovddážiin leat báhcán guorusin mearkkašahtti mearri giddodagat, maid geavahanulbmilis ii leat ovdal mearriduvvon. Guoros doaibmalanjaid geažil gártet gildii ligen- ja giddodatfuolahusgolut, mat jagiid mielde sáhttet šaddat mearkkašahtti ekonomalaš losádussan. Lassin giddodagat sajáiduvvet giliguovddážiid árvvusadnojuvvon tonttiide.

Bargojoavkku bargun lea čielggadit ovddeš skuvlavisttiid bajásdoallogoluid, huksenteknikkalaš geavahanvejolašvuođa sihke guorahallat doaibmalanjaid vejolaš ođđa geavahanvugiid. Árvvoštallama vuložin sáhttet boahit maid muhtin giddodagaid burgin. Doaibmalanjaid boahteáiggi geavahanulbmil berre nannet gieldda eallinfámu goasttádusbeaktilis doaibmamáalle mielde. Bargojoavkku bargu lea teknikkalaš doaibmasuorggi viidásut, nu ahte dat gokčá gieldda buot doaibmasurggiid dárbbuid ja oaidninvugiid. Danne bargojovkui lea dehálaš oažžut buot hálddahusgottiid áššedovdamuša. Bargojovkui gullet čuovvovaš virgeolbmot: giddodathoavda Markku Porsanger, eallinfápmohoavda Tanja Lepistö ja čuvgehushoavda Virpi Veskonieni. Bargojoavkku čállin doibme giddodatinšenevra Mirja Savolainen.

Energijja hatti leat einnostan badjánit boahite dálvve mearkkašahtti ollu. Ohcejoga gieldda juksanáigumuššan lea sáhttit geahpedit energijja geavaheami iežas giddodagain. Guorahallama vuodđun teknikkalaš doaibma guorahallá buot gieldda oamastan giddodagaid šleađga- ja oljoliggengoasttádusaid čakčamánu loahpa rádjai. Guorahallama bokte viggat oažžut dieđu guđege giddodaga liggemii geavahuvvon goluin. Dát diehtu lea dárbbášlaš go smiehttat ovddeš skuvlagiddodagaid boahteáiggi geavaheami.

Evttohus:

Gielddaráđdehus vuodđuda bargojoavkku čielggadit boares skuvlagiddodagaid geavaheami. Gielddaráđdehus nammada bargojovkui jo nammaduvvon virgeolbmuid lassin vihtta luohttámušolbmo/teknikkalaš lávdegotti lahtu, geain lea máhttu ja beroštupmi huksen- ja giddodatsuorggis ja mii vuhtii váldá ahte mielde leat ovddasteaddjit buot golmma giliguovddážis. Bargojoavkku sáhttá ordnet giliguovddážiin viidásut geahčalmasaid ja

Giieldaráđđehus	§ 146	05.09.2022
Eallinfápmo- ja tehnikkalaš lávdegoddi		09.02.2023

dilálašvuođaid, madda leat buresbohtán buot gieldalažžat. Bargojoavkku doaibmabadjii lea guovvamánu 2023 lohppii.

Mearrádus:

Evttohus dohkkehuvvui.

Giieldaráđđehus nammadii čuovvovaš olbmuid bargojoavkku lahttun: Mika Aikio, Vesa Länsman, Ismo Manninen, Sammol Lukkari, Marjatta Kordelin ja Eeva Jaatinen. Merkejuvvui beavdegirjái, ahte bargojoavkku vuosttas čoahkkima bovde giddodatinšenevra Mirja Savolainen. Bargojoavkku vällje ságadoalli iežas lahtuin.

Ealtekig

Bargojoavkku dárkkistii giddodagaid 19.10.2022 Gáregasnjárgga boares skuvllas ja 20.10.2022 Ohcejohnjálmmi boares skuvllas sihke Njuorggáma boares skuvllas. Bargojoavkku čoahkkaniid guktii Teams-čoahkkimii, 20.9.2022 ja 30.11.2022. Bargojoavkku čohkkii barggus raportta (lassemateriálan).

Válmmaštala giddodatinšenevra

Doaibmasuorgehoavdda evttohus:

Bargojoavkku mearrádusevttohusat leat čuovvovaččat – duogážat, madda dát evttohusat vuodđuduvvet, gávdnojit bargojoavkku dahkan raporttas:

1. Gáregasnjárga – ovddeš boradanviessu Burgojuvvot buot lavttat (čáhce-, šleađga- ja liekkaslavttat) giddodagas ja bossojuvvot bohccit guorusin.
2. Gáregasnjárga – skuvlaviesu siidooassi, man vuollegearddis lea giddodatoppalašvuođa liggenguovddáš Dahkat dušše vealtameahtun divvumiid dainna jurdagiin, ahte giddodat lea geavahas čuovvovaš logi jagi. Ja sajiide plánet nuoraide, gieldda ordnen asttuáiggedoaimmaide sihke gili olbmuid asttuáiggedoaimmaide doaibmasajiid. Joatkit viesu láigoheami dan rádjai go láigolačča ealáhatahki álgá (gieldda bargi).
3. Ohcejohnjálmmi skuvla Botkejuvvo Ohcejohnjálmmi skuvlagiddodat ovddeš rektora lanja buohta. Boađáhat, mas lea mannon boradansadjái, báhcá botkema olggobeallái. Dat oaivvilda dan, ahte giddodaga elrávdnjeguovddáš sirdojuvvo dan oassái, mii báhcá geavahussii. Biddjojuvvo oppa máttabeđo vuovdimassii. Vuovdinláhkai oassái berre dahkat iežas elrávdnje- ja čáhcelavttaid. Dahkkojuvvo almmolaš vuovdinalmmuhus.

Giieldaráđdehus

§ 146

05.09.2022

Eallinfápmo- ja tehnikkalaš

09.02.2023

lávdegoddi

4. Áilegas-dálu, máttit ja davit

Mannat sierra hálddahušgottiiguin giddodagaid ávkkástallanvejolašvuodaid čađa ja dárbbu mielde álggahat giddodagaid vuovdaleami maid olggobeale geavaheaddjiide. Máttit Áilegas-dállu heive ee. gáiddusbargolatnjan.

Bidjat Áilegas-dáluide áibmočáhceliggenbumpaid geassit 2023. Investeremiidda ferte ohcat lassemearruđa.

5. Njuorgán

Guđđojuvvo boares skuvlaviessu galmmasin ja vuvdojuvvo Metosa gievkkan. Skuvlla ja gili geavahusas leahkki skeittángietti jieknudeapmi heitojuvvo. Jieknudat skuvlla geavahussii ng. korespábbagietti, mii lea boares skuvlla šiljus. Dáinna oazžu mearkkašahti seastimiid maid čáhcegeavahusas, dasgo korespábbagietti jieknudeapmái dárbbášuvvon čáhcemearri lea dušše uhca oassi stuorra gietti jieknudeapmái dárbbášuvvon čáhcemearis.

Lihkadanhálla sisttisdoalli viessu doalahuvvo geavahusas dušše vealtameahttun divvumiiguin čuovvovaš 5 jagi. Giddodahkii biddjo áibmočáhceliggenbumpa geassit 2023. Giliolbmot sáhttet geavahit viesu luohkkálanja asttuáiggedoaimmaide.

Mearrádus:

Eallinfápmo- ja teknikkalaš
lávdegoddi

09.02.2023

15

Eanaviidodagaid lonuheapmi

13/10.00.02/2023

Ealteklg

Eanaviidodagaid lonuheapmi lea eanaviidodatortnet, mainna buoriduvvo eanaviidodaga sadji ja beavttálmahtto eanageavaheapmi lonuhemiin sierra giddodagaide gullelaš viidodagaid gaskaneaset (KML 56-59 §). Eanaviidodagaid sáhtttá lonuhit, jos giddodagaid eaiggádat das sohpet (eaktodáhtolaš eanaviidodagaid lonuheapmi). Eanaviidodagaid lonuheamis eai rievdaduvvo oamastanvuoigatvuođat, muhto dušše oamastanvuoigatvuođa čuožáhahkan leahkki giddodagaid fysalaš olli.

Eaktodáhtolaš eanaviidodagaid lonuheami oppalaš eavttut leat:

- eanaviidodagaid lonuheapmi ii oaččo dagahit hehttehusa giddodatvuogádaga čielggasvuhtii dahje čielga hehttehusa eanaviidodagaid lonuheapmái oasálaš giddodaga geavaheapmái (nappo jos goabbá nu ollašuvvá, eai eavttut)
- lonuhanláhkai viidodagat dahje oasis galget sullii árvvuset beales vástidit nuppiideaset daikke lonuhanláhkai viidodagaid dahje osiid árvu galgá leat vuollegis ja
- sajádatlávtaguovllus eanaviidodagaid lonuheapmi berre ovddidit tonttiid dahje heivvolaš huksensajiid hábmema dahje lávas meroštallon eará guovlovárremiid ollašuhhtima

Ovddabealde máinnašuvvon eavttut ollašuvvet. Lassin eanamihtidanlágádus lea gávnnahan, ahte eanaviidodagaid lonuheapmi ii váttásmahte láva ollašuvvama, vaikko ii maiddá gal ollašuhte láva.

Gielddaráđđehusa 28.03.2022 (gr 28.03.2022 §74) vuovdin tonte (890-401-10-12) nr 3 koartilis 6 lea golmmačiegahasa hápmásaš. Buoremus huksensadji tonttes lea golmmačiegahasa máttageažis. Tontte hápmi eastá huksema dasa.

Tontte 890-401-10-12 oastán Nilla Tapiola evttoha eallinfápmo- ja teknikkalaš lávdegoddá, ahte tontte hápmi rievdaduvvo eanaviidodagaid lonuhemiin nu, ahte tonttes šaddá njuolgočiegahasa hápmásaš. Dáinna eanaviidodatorndedemiin maid tontte 890-401-59-0 ođđa hápmi dahká vejolažžan tontte buoret ávkinatnima dás ovddos. Ođđa tonterádjá lea merkejuvvon alihiin. Giddodagaid viidodagat ja huksenvuoigatvuođat seilot ovddešláhkai. Lávvi merkejuvvon huksenvuoigatvuohta lea juhkon nu, ahte juohkinvuođustussan gávpegirjgis lea geavahuvvon giddodagaid viidodagaid gorri. Lassemateriálan eanaviidodagaid lonuhansoahpamuš.



Válmmaštalaš giddodatinšenevra

Doaibmasuorgehoavdda evttohus:

Eallinfápmo- ja teknihkalaš lávdegoddi evttoha gielddaráđđehussii, ahte gielddaráđđehus dohkkeha eanaviidodagaid lonuheami.

Mearrádus:

16

Ohcejoga luossaguovddáščielggadusa álggaheapmi

Ealtekig

Ohcejoga gielda lea ožžon riikkabeivviid stáhtaruhtaválgagotti jagi 2023 juohkováriin 150 000 euro ođđa Luossaguovddáža čielggadanbargui. Gažaldat lea golmmajahkásaš sirdinmearreruđas, mii čujuhuvvo Ohcejoga gildii bargo- ja ealáhusministeriija ja Lappi lihtu bokte ng. AKKE-projektaruhtadeapmin. Ohcejohka doaimmaha Lappi lihttui vel ohcamuša ja ruhtadeapmi lea geavaheamis dan maŋŋá.

Ohcejoga gielda hálida vuodđudit Luossaguovddáža, mii dorjjošii sihke guovllu eallinfámu ja johkasápmelaš kultuvrra seailuma. Ohcejohka gárttai fáhkkes ráhkadusnuppástusa dillái giđđat 2021 Deanu luossabivdogildosa čuovvumuššan. Gielddus lea joatkašuvvamin juo goalmát geasi, iige luossanáliid ealáskeami boahhtevuođa sáhte einnostit.

Luossaturisma leamašan Ohcejoga turismaealáhusa geađgejuolgi ja dehálaš dienas báikkálaččaide. Bivdogildosa negatiivvalaš váikkuhusat guovloekonomiijai leat juoba vihtta miljovvna euro jagis. Lassin gielddus riskere sámi rikkis luossabivdoárbevieru, mii lea leamaš juo máŋga čuođi jagi, sihke dasa laktáseaddji kultuvrralaš ja gielalaš máhtu seailuma.

Luossaguovddáš doaimmašii Deanu luossabivddu ja árbedieđu áššedovdi- ja oktasašbargoorganisašuvdnan sihke álbmotlaččat ja riikkaidgaskasaččat. Guovddáža oktavuhtii lea oaivil ohcat maid oktasašbargoguimmiid dutkan- ja innovašuvdnadoibmii laktásettiin.

Luossaguovddáš sáhtášii doaibmat Deanu luossabivddu áššedovdi- ja oktasašbargoorganisašuvdnan Deanu guolledoalloguvlui ja sierra stáhtahálddahusa doaibmiide ja dutkanlágádusaide. Dat sáhtášii bálvalit ovdamearkka dihte LUKE dutkan- ja oktasašbargodárbbuid sihke doaibmat luossabivddu báikkálaš áššedovdin ovdamearkka dihte guovlohálddahusa organisašuvvnaide nugo ELY-guovddážii.

Luossaguovddáža bargun livččii vurket, ealáskahttit, bisuhit ja ain ovddidit luossabivdoárbevieru ja dan vuodul šaddi ođđa ealáhusaid. Luossaguovddáš bálvalivččii viidát árbedieđu hálddašeaddjiid ja báikkálašservošiid, skuvllaid, turisma, ja gieldda rájaid rasttildeddji oktasašbarggu.

Ohcejogas leat juo mearkkašahtti ollu mávssolaš tinggat, govvamateriála ja jietnabáttit, mat laktásit Deanu guollebivdui. Lassin sierra arkiivvain ja dutkanlágádusain birra Suoma gávdnojit ollu Ohcejoga sápmelaččaid jearhallamat. Luossaguovddáš bálvalivččii dán mávssolaš ja rikkis kulturárbbi máhcaheami ja ovdan

bidjama Ohcejoga sámeservošiid, ealáhuseallima ja turismma atnui. Čielggadusas válđojuvvo vuhtii maid heivvolaš osiin daid čielggadusaid diehtosisdoallu, mat gielddas leat ovdalis dahkkon.

Luossaguovddáža vuođđudeapmi dorjjošii vuođđolágas meroštallon sápmelaččaid vuoigatvuođa bajásdoallat ja ovddidit guollebivdoárbevrrui laktáseaddji gielaset ja kultuvrraset Deanu bivdoráddjehusas fuolakeahhtá. Luossaguovddáš vástidivččii maid riikkabeivviid vuođđoláhkaválgagotti bealiváldimii (11.5.2022) Deanu guollebivdogildosii guoski láhkaevttohusa gieđahallama oktavuodas:

Stáhtaráđi lea buorre čielggadit, makkár eará doaimmaiguin sámiid vuoigatvuođa bajásdoallat ja ovddidit gielaset ja kultuvrraset sáhtá doarjut ja ovddidit guollebivddu ráddjemis fuolakeahhtá.

Čielggadanprojeavttas dahkkojit plánat, maid vuođul sáhtá ohcat ruhtadeami Luossaguovddáža ollašuttima várás. Čielggadanbarggus lea oaivil válmmaštallat projeaktamearreruđaid olis luossaguovddáža bargguid ja rolla, organisašuvdnahámi, oktasašbargoguimmiid, ollašuttinvuogi ja bargiid meari sihke vejolaš huksensaji ja sullii árvoštallon huksengeluid mearreruđaid olis. Čielggadanbargu lea 15.3.2023-28.2.2024. Čielggadanbarggu dárkilut sisdoallu girjejuvvo projeaktaplánii ja čielggadusa gárvánanáigetávval sáhtá vel dárkkálmuvvat go válmmaštallan ovdána.

Čielggadanbargui vállejuvvo projeaktahoavda jođihit ja válmmaštallat čielggadanbarggu. Projeaktahoavdda gelbbolašvuođaeaktun leat bajit akademalaš loahppadutkkus, hárvánupmi projeaktadoaimmas ja eangalsgiela máhttu. Barggus dárbbášuvvo Deanu luossabivdoárbevieru ja johkasápmelaš kultuvrra dovdamuš sihke fáddái laktáseaddji čanusjoavkkuid dovdamuš. Erenomáš ánsun gehččojuvvo sámegeiela čálalaš ja njálmmálaš máhttu sihke juridihkalaš máhttu.

Čielggadanbarggu doarjjan ásahuvvo mánggasuorggat stivrenjoavku, mas leat ovddasteaddjin gielddaráđđehusa nammadan olbmot/olmmoš, árbevirolaš guollebivddu, sámemusea sihke guollebivdui laktáseaddji dutkan-, ovddidan- ja innovašuvdnadoaibmasuorgi nugo LUKE ja Geavu dutkanstašuvdna. Stivrenjovkui gullet virgeolbmui gielddahoavda, eallinfápmohoavda ja projeaktahoavda, guhte doaibmá maid stivrenjoavkku čállin.

Evttohus:

Luossaguovddáža čielggadanprojeakta álggahuvvo nu mo doarjjamearrádusas meroštallo. Čielggadanprojeakta biddjo hálddahaslaččat eallinfápmu doaibmasuorgái goit nu, ahte gielddahoavda doaibmá projeavtta vástuolmmožin.

Evttohusvuo gielddaráđđehussii, ahte Luossaguovddáža čielggadanprojekti áhahuvvo stivrenjoavku gielddaráđđehusa mearrádusain. Fápmuduvvo gielddahoavda dahkat evttohusa mánggasuorggat stivrenjoavkku čoahkus.

Fápmuduvvo gielddahoavda válljet Luossaguovddáš-čielggadussii projektahoavdda áigodahkii 15.3.2023-28.2.2024 ja mearridit gieldda bálkááššeolmmožin projektahoavdda bálkkás.

Mearrádus:

Eallinfápmo- ja tehnikkalaš
lávdegoddi

09.02.2023

17

Áššit diehtun

Ealtekig

- Lobihis huksen, diehtunaddin
- Lávvaráhkadankonsultta nuppástuhttin
- Huksendárkkisteaddji mearrádusat
- ÄRM-projeavttaid dili geahčadeapmi

Evttohus:

Merkejuvvojit diehtun.

Mearrádus:

Eallinfápmo- ja tehnikkalaš
lávdegoddi

09.02.2023

18

Eallinfápmo- ja tehnikkalaš lávdegotti giđa 2023 čoahkkinaiggit

4/00.02.05/2023

Ealtekig

Evttohus:

Lávdegotti čoahkkimat dollojuvvojit ná:

27.2. dmu 14:00

30.3. dmu 14:00

15.5. dmu 14:00

Mearrádus: